

**Protocol no. 116**  
**Sezzüda da lündeschdi, 10 october 2011 – 20.00-22.15**

**Preschaints:** Jon Carl Rauch; Chasper Alexander Felix,  
Marianne Werro-Lehmann, Jachen Andri Schmidt e  
Claudia Luppi (protocol)

**Absaint:** Georg Salomon

**Protocol**

Il protocol no. 115 da la sezzüda da lündeschdi als, 3 october 2011 vain approvà.

**020.318.06      Plan da finanzas**  
**Preschantazin da la 1. versiun**

Sar Marcel Franziscus preschainta, tenor incumbenza cha'l Cussagl cumünal vaiva dat a la Lischana Fiduziari, la prüma versiun dal plan da finanzas pel cumün da Sent. Quista versiun es gnüda elavurada a man da las indicaziuns dals differents schefs, chi vaivan avant ün temp dat aint a la Lischana Fiduziari il plan d'investiziuns pels prossems tschinch ons per lur decasteri tenor ils seguaints criteris: 1. investiziuns fingià decisas e per part realisadas, 2. investiziuns indispensablas e 3. investiziuns giavüschablas.

La preschantaziun da la prüma versiun dal plan da finanzas muossa fich cler co cha la situaziun finanziaria dal cumün da Sent as pudess sviluppar in sen negativ, scha'l plan d'investiziuns pels prossems tschinch ons nu gniss surpassà ed adattà. Il Cussagl cumünal decida perquai da far üna sezzüda extraordinaria per far correcturas ed adattamaints vi dal plan d'investiziuns in möd coordinà tanter ils differents decasteris uschè cha sco consequenza resultess ün plan da finanzas plü realistic per l'avegnir financial dal Cumün.

**1035    021                      FABRICA**  
**Tina Maria ed Arno Ritz – Sistem fotovoltaic sül tet da la stalla-Tufera**

Il Cussagl cumünal decida, da dar il permiss pel intent manzunà aint il titul cun seguaintas cundiziuns:

1. Tenor la dumonda fatta buna ed acclusa al permiss.
2. Il permiss no. 2011- 0833 dal Chantun (BAB) es part integrala da quist decret.
3. La taxa da trattamaint importa frs. 200.--.
4. Il quint dal Chantun per la procedura da BAB importa frs. 1'244.--.

**1036    810.501.29              Sanaziuns vias**  
**Sanaziun via da Sinestra – Surdatta da la lavur d'impressari**

La lavur d'impressari per la sanaziun da la via da Sinestra vain surdatta, sco cusglià da l'uffizi da god tenor congual d'offertas, a la firma Koch AG, Ramosch pel predschnet incl. IPV da frs. 146'714.35. Quist import d'eira resguradà aint il preventiv dal 2011.

**1037 810.501.29 Sanaziuns vias**  
**Sanaziun da la via d'Uina – Surdatta da la lavur d'impessari**

La lavur d'impessari per la sanaziun da la via d'Uina vain surdatta, sco cusglià da l'uffizi da god tenor conqual d'offertas e resalv la deliberaziun dal credit tras la radunanza, a la firma Fabio Bau GmbH, Sent pel predschi net incl. IPV da frs. 201'216.75. Quist import d'eira resguradà aint il preventiv dal 2011, vain uossa però mis aint il preventiv dal 2012 causa chi's ha stuvü dar preferenza quist utuon ad üna sanaziun urgainta, uschè cha la lavur vi da la via d'Uina vain cumanzada pür da prümavaira 2012.

**1038 012 EXECUTIVA**  
**Commembranza „IG Kleingemeinden“**

Fin uossa d'eira l'IG Kleingemeinden üna cumünanza d'interess per cumüns fich pitschens. Causa cha'ls temas dals referats ed ils problems chi vegnan discutats a las diettas da l'IG nu pertoccan be ils cumüns fich pitschens, han uossa eir ils cumüns plü gronds la pussibilità da gnir commembers pro l'IG. Il Cussagl cumünal es da l'idea chi saja adüna bun da's pudair barattar oura tanter cumüns e decida cha'l cumün da Sent vain commember da l'IG Kleingemeinden. La commembranza annuala importa frs. 80.-- .

**1039 860.318.04 Cità d'energia**  
**Slogan pel label**

La cumischiun d'energia fa al Cussagl cumünal la proposta per il seguaint slogan chi gniss aggiunt al label da cità d'energia: „Per nos avegnir“. Il Cussagl cumünal decida d'inoltrar quist slogan al büro Scriptum, chi fa pels portaders dal label il layout dal label.

L'actuara